



PANTAYA

PRINCIPAL

DEDICATED TO YOU 365

TERENO DI CARIBE-

Durante e encuentran carnavalesco di softball nos a hiba entrevista cu Poentje Castro, kende ta road manager di D2U 365. Esaki ta pa nos a haya un bista mas extenso di e brass-band D2U 365, cua agrupacion for di su existencia ta treciendo un cambio completo pa loke ta trata e musica di Asambeho.

D2U 365 EN GENERAL

D2U 365 ta un banda cu ta marchando sumamente bon, si tene na cuenta cu for di tempran caba e ta *practicamente full geboekt*, sigur pa loke ta trata e actividadnan di mas importante.

Esaki ta gran parti debi na e directiva cu ta hasi un trabow exelente ariba e tereno di contracto.

D2U 365 DEPORTIVO

Pa loke ta trata D2U 365 ariba e tereno deportivo, Poentje ta tuma como ehempel e iniciativanan cu ta wordo tuma pa bandanan musical topa cu otro ariba tereno di bala, marduga despues di nan compromiso musical. Esey ta sigur algo di aplaudi. E ta trece un union entre esnan cu ta competi cu otro musicalmente. Pesey Poentje ta di opinion cu activadnan manera esun di softball carnavalesco mester ripiti cu mas

frecuencia. Si bo wak e cantidad di hende cu algo asina ta trek.

E amistad ta crece entre e musiconan, un rato bo ta rival ariba tereno, pero despues tur ta join y pasaronan agradabel.

D2U 365 COMO INNOVADOR

D2U a scoge pa sigi cu e musica di ASAMBEHO y promove esaki internacionalmente.

Asambeho ta parti di e folklore di Aruba. Pa muestra mundo henter cu Aruba tin un ritmo cu ta algo di dje, mescos cu na Merca nan tin un Michael Jackson. Nos mester percura pa e bira mas y mas grandi. E pensamiento di D2U 365 ta pa dia tras dia nan bay mas dilanti, introduciendo tecnicanan nobo, manera ta e forma di comunicacion caminda cu ya no mester usa conteo di fluit, sino simplemente door di comunica cu radio ya e diferente seccionan di e brass-band sa kiko ta bini. Esaki ta minimalisa e chens pa hasi fout, caminda cu bo mester comunica di mas di 30 persona. Poentje ta conega tur otro brass-band pa tin un directiva, esaki ta mehora e comunicacion den e grupo y e organisacion. Esey semper tabata e pensamiento di D2U. Poentje ta wak cu no tin

ningun hende pa kibra D2U, si no ta D2U mes.

D2U 365 Y ASAMBEHO

Poentje no ta haya cu ritmo di Asambeho a muri, manera ta e opinion di criticonan conoci na Aruba. Asambeho ta mescos cualkier otro ritmo cu ta modernisa y cambia un tanto, manera por ta e caso di tumba, wals etc. etc..

E Asambeho actual ya no ta manera e tabata, pero si ta e ritmo cu ta wordo acepta pa e pueblo. Esnan cu ta haya cu e mester wordo toca di otro forma, mester acerca nan y papia ariba esaki.

E areglonan di por ehempel un Ole ole, mester wordo adapta di tal forma pa e ritmo di Asambeho pa e por haya e aceptacion, no solamente di e publico sino di e propio autornan di dje.

D2U 365 COMO GRUPO MUSICAL

Ta e propio musiconan grandi ta esnan cu ta pone brass-bandnan den un spot dificil. E brass-band ta wordo mira un grupo di hobenan cu ta bati ariba drum, cu ta tuma areglonan over. Esaki no ta e berdad, bo tin cu adapta e areglo orginal y pase over pa 30 musico cu no ta nada facil. Den e caso di D2U 365 no ta trata di mucha mas, sino di



hombenan casa, acompaña etc. etc..

Ta personanan cu ta duna lo maximo di nan pa asina contribui na e existencia di nos carnaval. Nan no tin e condicion mas di tempo cu nan tabata mucha, awor nan ta cansa mas liher.

EXCLUSIVO PA PAN CAYENTE

TA PESEY MES D2U TA BINIENDO OTRO AÑA CU D2Uth

(DEDICATED TO YOUTH),

PA E HOBENAN DEMOSTRA CU NAN TAMBE POR Y TUMA UN DIA D2U 365 OVER!

Ya for di grote vakantie lo cuminsa cu'ne, pa e otro carnaval tur hende lo keda sorprendi cu e ritmo cu muchanan hoben por trece dilanti. Di e forma aki e integrantenan actual di D2U por cuminsa retira pa cumpli cu nan hendenan. Pues un forma di skol ta wordo crea, caminda bo ta cuminsa den D2Uth. E persona tras di esaki ta Bobby Gibbs. Cu realisacion di esaki su soño ta wordo cumpli. E

hubentud cu ta bini lo mester zorg pa Asambeho nunca muri, ta algo di nos folklore.

Ta di spera cu e aceptacion diparti di e publico lo ta completo pa e plan nobo aki. Esaki no kiermeen cu D2U 365 lo stop di existi, pero si mester cuminsa pensa ariba futuro. Compromisonan di e integrantenan pa cu nan famia ta aumenta, y ta pesey mester cuminsa prepara e hobenan pa nan por take over!

Pan Cayente ta gradici Poentje pa e entrevista, y mescos cu e'la desea nos hopi exito cu e corant aki, nos ta deseè tur clase di exito den su trabow dificil pa manega dos agrupacion grandi, manera ta D2U 365 y EQO.

UNITY vs D2U365


WELCOME TO CARIBE BALL PARK

EST HOME
INNING 14
L STRIKE OUT H-

Mariska

BOEKHANDEL

e unico y mihor adres
pa tur cos di skol y valentine's day



WHO'S BOB?